



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: A-61/22

Datum: 14.03.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, v.d. glavnog tužioca Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci za LOT3 – Usluge servisiranja i održavanja službenih vozila za potrebe Tužilaštva – Tužiteljstva Bosne i Hercegovine, dodjeljuje se ponuđaču **Saradis d.o.o. Sarajevo**.

Član 2.
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava uslove utvrđene u predmetnoj Tenderskoj dokumentaciji za dostavu ponuda.
- (2) Ponuda ponuđača iznosi 0,01 KM bez PDV-a.
- (3) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

Član 3.
(Stupanje na snagu)

Ova odluka stupa na snagu datumom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-61/22 od 10.02.2022. godine. Javna nabavka je provedena putem konkurentskog postupka. Procijenjena vrijednost javne nabavke za LOT 3 je 8.547,01 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-27-3-5/22 od 16.02.2021. godine. Do krajnjeg roka za dostavu ponuda, na Protokol Tužilaštva – Tužiteljstva zaprimljene su dvije uredno zapečaćene i neotvorene ponude ponuđača: Saradis d.o.o. Sarajevo i Autodelta d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2022. godinu, broj: A-561/21 od 23.11.2021. godine i A-561/21-1 od 17.01.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Ponude ponuđača Saradis d.o.o. Sarajevo i Autodelta d.o.o. Sarajevo zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđena cijena ponuđača Saradis d.o.o. iznosi 4.200,00 KM bez PDV-a, a ponuđena cijena ponuđača Autodelta d.o.o. iznosi 4.641,00 KM bez PDV-a.

E-aukcija je u ovom postupku provedena dana 02.03.2022. godine. Na e-aukciji su aktivno učestvovala oba ponuđača. E-aukcija je uspješno završena, te je najpovoljniji ponuđač nakon završetka e-aukcije Saradis d.o.o. Sarajevo, sa ponuđenom cijenom koja iznosi 0,01 KM bez PDV-a.

Shodno navedenom, članovi Komisije su uputili preporuku v.d. glavnog tužioca Tužilaštva-Tužiteljstva Bosne i Hercegovine za donošenje odluke o dodjeli ugovora ponuđaču SARADIS d.o.o. Sarajevo.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.